



YMUNWCH Â NI
TECHNEGYDD CERBYDAU
MODUR
PECYN GWYBODAETH I



Gwasanaeth Tân ac Achub
De Cymru
South Wales
Fire and Rescue Service

RAISING AWARENESS - REDUCING RISK

PWY YDYM NI

“I WNEUD DE CYMRU'N DDIOGELACH, TRWY LEIHOU RISG”

Ni yw Gwasanaeth Tân ac Achub De Cymru a'n gweledigaeth, ein cenhadaeth a'n gwerthoedd sy'n gyrru ac yn cymell ein pobl i wneud de Cymru'n fwy diogel, drwy leihau risg. Ein nod yw amddiffyn a gofalu am y 10 Awdurdod Unedol sy'n creu ein hardal amrywiaethol trwy weithio mewn partneriaeth â chydweithwyr gwasanaethau rheng flaen eraill

Rydym yn cyflogi tua 1700 o bobl ar draws De Cymru mewn cymysgedd o rolau Gweithredol a Chorfforaethol, gyda'r rhan fwyaf o'n staff corfforaethol wedi'u lleoli yn ein pencadlys yn Llantrisant.

Cefnogir y gwasanaethau rheng flaen a ddarperir gan Staff Gweithredol Gwasanaeth Tân ac Achub De Cymru gan nifer o dimau, sy'n cyflawni rolau gweinyddol a thechnegol. Mae Staff Gweithredol a Chorfforaethol yn cydweithio'n agos i ddarparu lefel uchel o wasanaeth i gymunedau De Cymru

Mae Amrywiaeth, Cynhwysiant, Cydlyniant a Thegwch yn flaenoriaeth i Wasanaeth Tân ac Achub De Cymru ac mae gennym ymrwymiad i ymdrechu i adlewyrchu'r cymunedau yr ydym yn eu gwasanaethu.

PROFFIL SWYDD

Dylech chi gyflwyno eich cais erbyn Canol Dydd 18 Ebrill 2025

Mae gan Wasanaeth Tân ac Achub De Cymru'r swydd wag barhaol uchod yn ei Weithdai Fflyd a Pheirianeg a leolir ym Mhencadlys y Gwasanaeth Tân ac Achub, Parc Busnes Forest View, Llantrisant, CF72 8LX.

Mae'r Gwasanaeth Tân ac Achub yn gweithredu fflyd o dros 450 o gerbydau math cymysg ynghyd â fflyd o beiriannau trymion mawr ac amrywiol. Mae'r swydd yn golygu gweithio fel rhan o dîm sy'n gwasanaethu, trwsio a chynnal a chadw amrediad eang o gerbydau arbenigol, peiriannau trymion ac offer y Gwasanaethau Tân ac Achub.

Bydd yr ymgeisydd llwyddiannus wedi cyflawni prentisiaeth ymrwymedig/fodern gydnabyddedig a pherthnasol ynghyd â meddu ar o leiaf Tystysgrif Sefydliad y Ddinas a'r Urddau Rhan 2 mewn Crefft Cerbydau NEU NVQ Lefel 3 neu gymhwyster cyfartal. Mae profiad ôl-gymhwysol profedig mewn trwsio a chynnal a chadw Cerbydau Nwyddau Mawr, gwaith awto drydanol, hydroleg, a saernïo hefyd yn ofynnol.

Mae'r swydd yn gofyn i chi gymryd rhan mewn system amserlen argyfwng wrth gefn 'y tu allan i oriau gwaith' sy'n gofyn i chi ymateb yn syth a mynychu unrhyw leoliad ar unrhyw adeg o'r dydd neu'r nos o fewn neu'r tu allan i ardal gweithredu Gwasanaeth Tân ac Achub De Cymru.

Ni fydd ymgeiswyr blaenorol sydd wedi gwneud cais o fewn y 6 mis diwethaf yn cael eu hystyried.

- **Cytundeb:** Parhaol
- **Gradd:** 9
- **Cyflog:** £33,366 to 35,235 per annum
- **Dyddiad cau:** 37
- **Rhif y Swydd:** 504984

SWYDD-DDISGRIFIAD

Cyfeiria'r swydd-ddisgrifiad hwn at brif bwrpas a chyfrifoldebau'r swydd. Nid yw hyn o reidrwydd yn nodi mewn manylder yr holl dasgau sydd eu hangen i gyflawni'r cyfrifoldebau hyn. Adolygir y swydd-ddisgrifiad hwn fel bo'r gofyn i sicrhau ei fod yn cwrdd ag anghenion busnes y Gwasanaeth

Yn gyfrifol i'r: Rheolwr Gweithdy

1. I fod yn gyfrifol am wasanaethu, trwsio a chynnal a chadw cerbydau, peiriannau trymion ac offer GTADC yn ddyddiol gan gynnwys profi gweithdrefnau archwilio a phrofi.
2. I weithio fel gweithredwr aml-sgiliau gan ymgymryd â'r disgyblaethau canlynol:- darganfod a chywiro diffygion systemau mecanyddol a thrydanol, defnyddio prosesau weldio amrywiol i drwsio a saernïo, asesu diffygion a thrwsio systemau hydroleg a niwmatig.
3. I gyfranogi mewn hyfforddiant a mentora Prentisiaid a Hyfforddai.
4. I gasglu a darparu cerbydau, peiriannau trymion ac offer ar gyfer trwsio / cynnal a chadw o fewn neu'r tu allan i ardal Gwasanaeth Tân ac Achub De Cymru.
5. I fod yn gyfranogol yng nghynllun wrth gefn 24 awr Gwasanaeth Tân ac Achub De Cymru fel rhan o'r amserlen ddyletswydd a chyflawni oriau ychwanegol rhesymol y tu allan i oriau gwaith yn ôl y gofyn.
6. I fynychu ar benwythnosau a thu hwnt i oriau gwaith cyffredin i fodloni gofynion y Gwasanaeth Tân ac Achub.

Yn ychwanegol at y dyletswyddau a'r cyfrifoldebau a amlinellir uchod, bydd gofyn i ddeiliad y swydd:

1. Ymgymryd ag unrhyw ddyletswyddau eraill sy'n gymesurol â'u gradd a'u swydd.
2. Mynychu cyrsiau hyfforddi mewnol ac allanol yn ôl y gofyn.
3. Cydweithredu'n llawn ag unrhyw gynllun neu gynllun peilot a gyflwynir o fewn yr adran neu ar draws y Gwasanaeth.
4. Cymhwyso egwyddorion Gweithdrefn Urddas yn y Gweithle Datganiad Cydraddoldeb ac Amrywiaeth y Gwasanaeth wrth gyflawni'u dyletswyddau.
5. Amddiffyn plant, pobl ifanc neu oedolion sydd mewn perygl rhag niwed, gan adrodd unrhyw bryderon diogelu wrth ddefnyddio Gweithdrefn Ddiogelu'r Gwasanaeth.
6. Ufuddhau i Ddeddfwriaeth a Gweithdrefnau Iechyd a Diogelwch a chymryd gofal rhesymol mewn perthynas â'u hiechyd a diogelwch eich hunan ac eraill.

Y FANYLEB PERSON

HANFODOL

- ✓ Tystysgrif Sefydliad y Ddinas a'r Urddau mewn Celfyddyd Cerbydau Modur Rhan 2,
- ✓ NEU NVQ Lefel 3, NEU gymhwyster cyfartal.
- ✓ Prentisiaeth Ymrwymedig/Fodern drwy law Prif Ddelwriaeth, Prif Wneuthurwr neu gymhwyster cyfartal.
- ✓ Trwydded Yrru Lawn Categori B (Car). Bodlonrwydd i hyfforddi ar gyfer Trwydded Categori C os nad ydych yn meddu ar un eisoes.
- ✓ Profiad ôl gymhwysol profedig mewn trwsio, a chadw a chynnal Cerbydau Nwyddau Mawrion neu gymhwyster cyfartal.
- ✓ Gwybodaeth a phrofiad cynhwysfawr wrth drwsio a chynnal a chadw Cerbydau Nwyddau Mawrion math Categori C neu Gerbydau Cludo Teithwyr math categori D.
- ✓ Profiad o weithio ar ystod eang o fathau o brif fframiau a systemau cerbydau.
- ✓ Gwybodaeth ymarferol o systemau awto drydanol.
- ✓ Y gallu i anwesu a chynnig gwerth i amrywiaeth ac arddangos agwedd deg a moesol ym mhob sefyllfa.
- ✓ Y gallu i gyfathrebu'n effeithiol ar lafar ac yn ysgrifenedig ill dau i ystod eang o wahanol gynulleidfaoedd.
- ✓ Ymrwymiad i a'r gallu i ddatblygu eich hun, unigolion, timau ac eraill er mwyn gwella effeithiolrwydd gweithredol.
- ✓ Y gallu i gynnal ymwybyddiaeth fyw o'r amgylchfyd i hyrwyddo gweithio diogel ac effeithiol.

DYMUNOL

- ✓ Cyrsiau Fframwaith Cerbyd a chyrsiau Cyflenwyr perthnasol.
- ✓ Peth profiad o weldio a saernïo (dur ac aloi).
- ✓ Profiad o weithio mewn prif ddelwriaeth cerbydau neu ddarparwr gwasanaeth masnachfaint sy'n cynrychioli Prif Wneuthurwr Cerbydau Nwyddau Mawrion sy'n gydnaws ag egwyddorion proffil fflyd GTADC.
- ✓ Y gallu i gyfathrebu drwy gyfrwng y Gymraeg.

Y BROSES YMGEISIO

Dylai ymgeiswyr lenwi ein ffurflen tystiolaeth llunio rhestr fer.
Dylai hwn fynd i'r afael â'r cwestiynau isod gydag ymateb nad yw'n fwy na 350 gair fesul cwestiwn (Uchafswm 1750 Gair)

Cwestiwn 1: Dangoswch sut yr ydych chi'n bodloni'r meini prawf cymhwysedd a nodir ym Manyleb y Person.

Cwestiwn 2: Rhowch dystiolaeth o'ch gwybodaeth am systemau trydanol ceir.

Cwestiwn 3: Nodwch eich gwybodaeth a'ch profiad cynhwysfawr o atgyweirio a chynnal a chadw cerbydau categori C neu PCV LGV.

Cwestiwn 4: Dywedwch wrthym am eich profiad o weithio ar ystod eang o siasis a systemau cerbydau Brandiau enwog.

Cwestiwn 5: Disgrifiwch eich gallu i groesawu a gwerthfawrogi amrywiaeth a dangos agwedd deg a moesegol ym mhob sefyllfa.

SUT | YMGEISIO

Ymgeiswyr Allanol

Mewngofnodwch i'n gwefan yn: www.decymru-tan.gov.uk/gweithio-â-ni/-swyddi-gwag

Dewiswch y rôl o'r 'Swyddi Gwag Presennol' a chliciwch ar y ddolen ar gyfer ein system e-recriwtio.

Sicrhewch fod pob adran o'r ffurflen gais wedi'i chwblhau a chofiwch atodi'r wybodaeth ategol sy'n manylu ar eich cymhwysedd ac sy'n mynd i'r afael yn uniongyrchol â meini prawf y rhestr fer.

Ymgeiswyr Mewnol

Mewngofnodwch i People XD/Core a llywio i 'swyddi gweigion cyfredol' i ddewis y swydd berthnasol. Sicrhewch fod pob adran o'r cais wedi'i chwblhau a chofiwch atodi'r wybodaeth ategol sy'n manylu ar eich cymhwysedd ac sy'n mynd i'r afael yn uniongyrchol â meini prawf y rhestr fer.

Pob Ymgeisydd

Os oes angen y ddogfen hon arnoch mewn fformat arall, megis print bras neu gefndir gwyn neu liw, neu fel arall angen ffurflen gais bapur, cysylltwch â'n tîm Recriwtio yn recriwtio@decymru-tan.gov.uk neu ffoniwch ni ar 01443 232300 a byddwn yn ymdrechu i helpu cyn gynted â phosibl.

Mae'r holl ddogfennaeth ar gael yn Gymraeg a Saesneg ill dau a chroesawn gyfathrebiadau yn y naill iaith â'r llall. Ni chaiff ceisiadau a gyflwynir yn Gymraeg eu trin yn llai ffafriol. Rhoddir cyfle i ymgeiswyr sy'n llwyddiannus yn y cam Rhestr Fer i gadarnhau eu dewis iaith ar gyfer cyfweiliadau ac asesiadau (gan gynnwys gwaith papur, cyflwyniadau ar lafar a chwestiynau cyfweld). Bydd trefniadau yn cael eu cadarnhau yn dilyn y gwahoddiad i gyfweiliad ac fe all gynnwys Cyfieithydd a Chyfieithu/neu Gyfieithu ar y Pryd

Mae Gwasanaeth Tân ac Achub De Cymru'n credu yng ngwir werth gweithlu amrywiol ac rydym yn dymuno annog yn rhagweithiol ymgeiswyr o bob sector cymdeithas i ymgeisio.

GWYBODAETH YCHWANEGOL

Gwiriadau Recriwtio Allanol

Bydd yr holl ymgeiswyr allanol yn destun y gwiriadau recriwtio canlynol cyn eu penodi:

- Gwiriadau manylach y Gwasanaeth Datgelu a Gwahardd (DBS).
- Gwiriadau hawl i weithio.
- Gwiriadau meddygol, iechyd a ffitrwydd.
- Gwiriadau trwydded yrru.
- Gwiriadau Tystlythyron.

Cod Moeseg Craidd CCPT

RHOI EIN CYMUNEDAU YN GYNTAF: Rydym yn blaenoriaethu lles y cyhoedd, y gymuned a defnyddwyr gwasanaeth.

UNIONDEB: Rydym yn gweithredu gydag uniondeb, gan gynnwys bod yn agored, yn onest ac yn gyson ym mhopeth a wnawn.

URDDAS A PHARCH: Gwneud penderfyniadau'n wrthrychol ar sail tystiolaeth, heb wahaniaethu na thuedd.

ARWEINYDDIAETH: Rydym i gyd yn fodolau rôl cadarnhaol, bob amser yn dangos hyblygrwydd ac arweinyddiaeth hydwyth. Rydym i gyd yn atebol am bopeth a wnawn ac yn herio pob ymddygiad nad yw'n cyrraedd y safonau uchaf.

CYDRADDOLDEB, AMRYWIAETH A CHYNHWYSIAD: Rydym yn cydnabod ac yn hyrwyddo gwerth CAC yn barhaus o fewn GTADC a'r cymunedau ehangach yr ydym yn eu gwasanaethu. Rydym yn sefyll yn erbyn pob math o wahaniaethu, yn creu cyfle cyfartal, yn hyrwyddo cydraddoldeb, yn meithrin cysylltiadau da ac yn dathlu gwahaniaeth.



Dyma'r sylfaen ar gyfer ein gwerthoedd yng Ngwasanaeth Tân ac Achub De Cymru a bydd yn ein helpu i greu amgylchedd sy'n groesawgar, yn oddefgar ac yn ddiogel, heb unrhyw le i ymddygiadau amhriodol a chymau gweithredu sy'n bygwth, amharchu neu'n dychryn eraill

BUDDION

Gwyliau Blynyddol – Lwfans gwyliau blynyddol hael.

Rhaglen Cymorth i Weithwyr - Mae'r RhGG yn darparu cyngor a chymorth cyfrinachol, diduedd 24 awr y dydd, 365 diwrnod y flwyddyn. Mae'r gwasanaeth yn rhad ac am ddim i weithwyr gael mynediad iddo pryd bynnag y bo angen.

Vivup – Darparwr buddion gweithwyr sydd wedi ennill gwobrau ac sy'n cynnig pentwr o fanteision ac arbedion iechyd a lles i'r holl staff ar draws nifer o frandiau mawr.

Mae rhai o fanteision y platfform hwn yn cynnwys:

- **Cynllun Seiclo i'r Gwaith**
- **Cynllun ceir Tusker**
- **Gostyngiad nwyddau i'r cartref a nwyddau electroneg**

Oriau Gwaith Hyblyg – Mae staff corfforaethol yn gallu gweithio oriau hyblyg. Gydag oriau craidd o 10yb – 12yp a 2yb – 3yp; Gallwch gwblhau balans eich oriau unrhyw bryd rhwng 7yb a 7yp.

Dysgu a Datblygu – Mae GTADC yn cydnabod bod gweithwyr sydd wedi'u hyfforddi'n dda yn allweddol i lwyddiant. Gyda Chanolfan Hyfforddi bwrpasol ym Mhorth Caerdydd a thimau hyfforddi arbenigol, mae digon o gyfleoedd i dyfu a datblygu sgiliau newydd.

Campfa - Ble bynnag yr ydych wedi'ch lleoli fel gweithiwr Gwasanaeth Tân ac Achub De Cymru, mae mynediad i'n cyfleusterau campfa ar gael i bawb, yn rhad ac am ddim.



Ymgynghorwyr Iechyd a Ffitrwydd - Mae ein Hymgyngorwyr Iechyd a Ffitrwydd yn monitro lefelau ffitrwydd staff gweithredol. Gallant hefyd gynnig cyngor iechyd a ffitrwydd i bob gweithiwr ar gais.

Elusen Diffoddwyr Tân - Gall pob gweithiwr, ynghyd â'u dibynyddion, fod yn fuddiolwyr yr elusen. Mae'r elusen yn darparu cymorth iechyd a lles i holl gymuned y Gwasanaeth Tân.

Parcio Ceir – Nid yw GTADC yn codi tâl am barcio yn unrhyw un o'i safleoedd.

Hyrwyddwyr Golau Glas Mind – Fel rhan o'n hymrwymiad parhaus i iechyd a lles, rydym yn cefnogi Rhaglen Golau Glas MIND. Mae'r rhaglen yn cynnig cymorth iechyd meddwl i weithwyr y gwasanaethau brys.

Iechyd Galwedigaethol - Nod yr Uned Iechyd Galwedigaethol yw cynyddu effeithlonrwydd iechyd a lles staff i'r eithaf a lleihau'r risgiau y mae staff yn agored iddynt o ganlyniad i arferion gwaith a'r amgylchedd.

Pensiwn – Mae staff cymorth yn gymwys i ymuno â chynllun pensiwn Llywodraeth Leol, sy'n gynllun pensiwn â buddion penodedig. Mae cyfraniadau gweithwyr yn seiliedig ar eich cyflog.

Chwaraeon a Chymdeithasol – Mae ein hadran chwaraeon a chymdeithasol yn dod â gweithwyr ynghyd o bob adran. Mae ffotograffiaeth, sgïo, crwydro, seiclo, pêl-droed, rygbi, syrffio a golff yn rhai o'r diddordebau a rennir.

Cyrsiau Cymraeg – Mae Gwasanaeth Tân ac Achub De Cymru yn cydnabod pwysigrwydd y Gymraeg yn y gweithle ac yn cynnig mynediad i bob gweithiwr i gyrsiau Cymraeg ar ystod o lefelau i weddu i bob angen.

Hyderus o ran Anabledd – Rydym yn falch o fod yn Gyflogwr Ymrwymedig Hyderus o ran Anabledd ardystiedig





Gwasanaeth Tân ac Achub
De Cymru
South Wales
Fire and Rescue Service

South Wales Fire and Rescue Service

Recruitment & Retention Team
Fire Service Headquarters
Forest View Business Park
Llantrisant
CF72 8LX

Recruitment Line – 01443 232200
recruitment@southwales-fire.gov.uk



www.southwales-fire.gov.uk/working-with-us

SCAN ME

